

Aaqqiissut

Siunnersuut 5. august 2020-meersoq taarserpaa (Oqaasertaanik naqqiisoqarpoq ersarissaasoqarlunilu, sunniutaasunillu aaqqiisoqarnikuulluni immikkoortullu qulequtaat ikkunneqarlutik)

**Uunga siunnersuut: Pisortat akiliisarneri il. il. pillugit Inatsisartut inatsisaat nr. xx,
xx.xxx 2020-meersoq**

Kontomut akiliutinullu innersuussineq

§ 1. Inuit 18-inik imaluunniit sinnerlugit ukiullit, Qitiusumik Inuit Allattorsimaffiat pillugu inatsisip atuutilernissaa pillugu peqqussut imaluunniit Qitiusumik Inuit Allattorsimaffiat pillugu Inatsisip malillugit inuup normuanik tunineqarsimasut, Kalaallillu Nunaannit aallarsimasutut nalunaarsorneqarsimanngitsut, aningaaserivimmi kontumik innersuussissapput (NemKonto), pisortani oqartussaasut iliuutsimik pisussaaffeerutsitsisumik aningaasanik akiliinermut atorsinnaasaannik. Tamanna aamma Namminersorlutik Oqartussanit, naalagaaffiup avataanut aallartitanut, kiisalu inunnut 18-it inorlugit ukiulinnut Qitiusumik Inuit Allattorsimaffiat pillugu inatsisip atuutilernissaa pillugu peqqussut imaluunniit Qitiusumik Inuit Allattorsimaffiat pillugu Inatsisip malillugit inuup normuanik tunineqarsimasunut, pisortani oqartussaasunit akiliinernik tiguisartunut atuuppoq.

Imm. 2. Inatsisitigut pisinnaatitaasut, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat imaluunniit Qitiusumik Suliffeqarfinnik Nalunaarsuiffiit pillugit inatsit naapertorlugu CVR-normumik tunineqarsimasut, aningaaserivimmi kontumik (NemKonto) innersuussissapput, pisortani oqartussaasut iliuutsimik pisussaaffeerutsitsisumik aningaasanik akiliinermut atorsinnaasaannik. Tamanna aamma inummut nammineq sulisitsisutut imaluunniit namminersorluni inuussutissarsiummik ingerlatsisuusutut qitiusumik suliffeqarfinnik nalunaarsuiffimmi normumik (CVR-normu) tunineqartumut, kiisalu suliffeqarfinnut akileraartarnermut ingerlatsivimmi inuussutissarsiummik ingerlatsisutut nalunaarsorasimasunut atuuppoq.

Imm. 3. Inatsisitigut pisinnaatitaasut, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat imaluunniit Qitiusumik Suliffeqarfinnik Nalunaarsuiffiit pillugit inatsit naapertorlugu CVR-normumik tunineqarsimanngitsut, pisortani oqartussaasunit akiliinernik tiguisinnaanarunik:

- 1) nammineq nalunaarsuisussaaneq pillugu malittarisassat naapertorlugit Qitiusumik Suliffeqarfinnik Nalunaarsuiffimmi tiguneqarsimassapput, aamma
- 2) Imm. 2-mi malittarisassat naapertorlugit NemKontomik innersuussisimassapput.

Imm. 4. Imm. 3-mi aalajangersagaq inatsisitigut pisinnaatitaasunut, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaanni nammineq nalunaarsuinissaq pillugu piunasaqaatinik, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaannik imaluunniit inatsisinut

taakkununga atatillugu aalajangersakkanik aalajangersarneqartunik naammassinninngitsunut atuutinngilaq.

Imm. 5. NemKontomut akiliineq pissanngilaq, inuk imaluunniit inatsisitigut pisinnaatitaasoq kontumik akiliiffissamik allamik innersuussisimappat.

Imm. 6. Imm. 1 imaluunniit 2 naapertorlugit kontumik innersuussineq pissaaq kingusinnerpaamik pisortani oqartussaasut akiliineranut siullermut atatillugu.

Imm. 7. Naalackersuisut malittarisassanik aalajangersaasinnaapput, Qitiusumik Inuit Allattorsimaffiannut imaluunniit Qitiusumik Suliffeqarfinnik Nalunaarsuiffimmut nalunaarsuinnermut imaluunniit nalunaarsuinnermik allannqortitsinnermut atatillugu, NemKonto innersuussutigisaaq pillugu nalunaaruteqartoqartassasoq.

Imm. 8. Naalackersuisut malittarisassanik aalajangersaasinnaapput, imm. 1-3-mi taaneqartunit nalunaarsuinerit allaanerusut innersuussinissamut pisussaaffeqarnermik imaqaasasut. Naalackersuisut ilanngullugu aalajangersinnaavaat, imm. 1-3-mi inuit aamma inatsisitigut pisinnaatitaasut taaneqartut saniatigut allat innersuussinissamut pisussaaffeqarnermut ilaassasut.

§ 2. § 1 naapertorlugu NemKontomik innersuussineq, aaqqissuussinermik akisussaasumut § 6 naapertorlugu Naalackersuisut toqqagaannut pissaaq.

Imm. 2. Inuit aamma inatsisitigut pisinnaatitaasut § 1-imut ilaasut, NemKontomik innersuussereersut, qaqugukkulluunniit nutaamik NemKontomik innersuussinissamut pisussaapput. Allanguutit paasissutissiissutigineqartut piffissaq nalunaarutiginniffik kingusinnerpaamik aningaaseriviup ammaneri ullut tallimassaata qaangiunneranit inatsisitigut kinguneqassapput.

Imm. 3. Toqusoqarnerani, inatsisitigut pisinnaatitaasut taamaatinnerini, imaluunniit inuup sulisitsisutut imaluunniit namminersorluni inuussutissarsiummik ingerlatsisutut taamaatinnerani, nalunaarsuivimmi konto § 5 naapertorlugu pilersinneqarsimasooq pillugu paasissutissaq nunguterneqassaaq.

§ 3. Nunami allami aningaaserivimmi kontumut akiliinerit pisortanit piffissaq eqqorlugu naammassineqarsimasutut isigineqassapput, nunami namminerimi akiliinerit assingusut tiguneqarnerisa piffissap kingornatigulluunniit tiguisumit tiguneqarsimagaluarpataluunniit, imaappat

1) nunami namminerimi kontunut akiliinerit assingusut assigalugit ulloq taanna suliarineqarsimappata, aammalu

2) nunami namminerimi akiliinerit assingusut tiguisussamit piffissaq eqqorlugu tiguneqarsimappata.

§ 4. Naalackersuisut malittarisassanik aalajangersaassapput, pisortat oqartussaasuisa iliuitsimik pisussaaffeerutsitsisumik inunnut aamma inatsisitigut pisinnaatitaasunut §1-imi ilaasunut, NemKontomik innersuussisimannngitsunut akiliinissamut pisinnaatitaaffeqarnerinik, taakkununga ilaallutik pisortat oqartussaasuisa inunnut aamma inatsisitigut pisinnaatitaasut Naalackersuisut aalajangersagaannik unioqutitsisunut akiligassanik kinguartitsisinnaalluni.

Imm. 2. Imm. 1 naapertorlugu akiliinerit kinguartinneqartut, ima tulleriillutik Nunatta Karsianut kommunillu karsianut ingerlateqqinneqassapput, akiliiffissap ukiut tallimat siornatigut ullulerneqarfianit.

Imm. 3. Naalakkersuisut malittarisassanik aalajangersaasinnaapput, NemKontonik amerlanerusunik innersuussisinnaanermut.

Nalunaarsuivik

§ 5. Naalakkersuisut nalunaarsuineq pillugu malittarisassanik aalajangersaassapput, paasissutissanik kontut § 1 aamma § 2 naapertorlugit imaqartunik.

Imm. 2. Imm. 1 naapertorlugu nalunaarsuiffimmik pilersitsinermut atatillugu Naalakkersuisut, imaluunniit Naalakkersuisunit tassunga pisinnaatitaaneqartut, aningaaserivimmi kontut inunnik aamma inatsisitigut pisinnaatitaasunik pigineqartut pillugit paasissutissanik aallernissamut pisinnaatitaapput. Paasissutissat pisortat oqartussaasuinit allanit aamma akissarsialerivinnit aaneqarsinnaapput.

Aaqqissuusinermik akisussaasoq

§ 6. Naalakkersuisut aaqqissuusinermik akisussaasumik toqqaassapput, kontut pillugit paasissutissanik allaffissornermik suliaqartussamik. Aaqqissuusinermik akisussaasutut toqqaarneqarsinnaavoq pisortani oqartussaasoqarfik imaluunniit suliffeqarfik namminersortoq, imaluunniit assigisaat, Danmarkimi, Savalimmiuni imaluunniit Kalaallit Nunaanni najugaqavissoq.

Imm. 2. Naalakkersuisut malittarisassanik sukumiinerusunik aaqqissuusinermik akisussaasup suliaasai pillugit aalajangersaassapput, matuma ataani aaqqissuussaasunermik akisussaasup suliaasai aamma naammagittaalliorsinnaaneq nakkutilliinerlu pillugit.

Piginnaatitsineq

§ 7. Naalakkersuisut pisinnaatitaapput qallunaat nunaanni aamma savalimmiuni pisorta qarfiit isumaqatigiissusiorfigisinnaallugit, aaqqissuussat il. il. pisorta qarfinnit ilaatigut sulianik isumaginninnermi ator neqartut atorsinnaanerat §§ 5-6-imi taaneqartut pillugit.

Suliffeqarfiit imminnut pigisut

§ 8. §§ 1-6-imi suliffeqarfiit immi nut pigisut il. il., ingerlatsinermi missingersuutaat aningaasaliissutinut inatsimmi akuerineqarsimasut ilaapput.

Imm. 2. §§ 1-6-imi suliffeqarfiit immi nut pigisut il. il., kommunip ingerlatsinissamut isumaqatigiissuteqarfigisimasai aamma ilaapput.

Imm. 3. §§ 1-6 aamma taakku naapertorlugit malittarisassat atulersinneqartut suliffeqarfinnut, peqatigiiffinnut, aningaasaateqarfinnut il. il. atuupput:

1) aningaasartuutit imaluunniit naatsorsuutitigut amigartoorutit pisortatigut tapiissutitigut imaluunniit ilapittuutitigut, akitsuutitigut imaluunniit inatsit naapertorlugu isertitatigut allatigut matussuserneqarpata, imaluunniit

2) namminersorlutik oqartussanit imaluunniit suliffeqarfimmit il. il., aningaasaliissutinik, tapiissutinik, taarsigassarsianik, qularnaveeqquusiinernik imaluunniit tapiissutinik allanik tigusippat nr. 1-imut ilaasunik, tigusisumut aningaasaliissutit il. il. annertuumik pingaaruteqarpata.

Imm. 4. Imm. 1-3-li atuutissanngillat, inatsimmi allami akiliisarnermik ingerlatsineq pillugu malittarisassanik, Inatsisartut inatsisaannut imaluunniit inatsit malillugu tassunga malittarisassanik aalajangersagaasunik kattussinnaanngitsumik peqarpat.

Imm. 5. Kommuni pineqartup suliffeqarfiit imminnut pigisut §§ 1-6-imi imm. 2-mi taaneqartut ilaatinngissinnaavai.

Atuutilersitsineq

§ 9. Naalakkersuisut piffissaq Inatsisartut inatsisaanni atuutilerfissaa aalajangersassavaat. Naalakkersuisut matuma ataani aalajangersarsinnaavaat, oqartussaasunut assigiinngitsunut aalajangersakkat piffissani assigiinngitsuni atuutilissasut.

Namminersorlutik Oqartussat, ulloq xx. xxx 2020

Kim Kielsen